



**UNIT KOMUNIKASI KORPORAT JABATAN  
PERIKANAN MALAYSIA  
BERITA PERIKANAN HARI INI**

**9 September 2021**

**2 Safar 1443H**

<b>SENARAI AKHBAR</b>	<b>TAJUK</b>
<b>Utusan Malaysia</b>	<ul style="list-style-type: none"><li>• Ikan lumba-lumba tarikan di Perlis</li><li>• 3 pulau lokasi baik biak udang geragau</li></ul>
<b>Berita Harian</b>	<ul style="list-style-type: none"><li>• 6 nelayan ditahan ceroboh Taman Laut</li></ul>
<b>Harian Metro</b>	<ul style="list-style-type: none"><li>•</li></ul>
<b>Kosmo !</b>	<ul style="list-style-type: none"><li>• Nelayan merungut tak boleh ke laut</li><li>• Jual patin secara online</li></ul>
<b>Sinar Harian</b>	<ul style="list-style-type: none"><li>•</li></ul>
<b>The Star</b>	<ul style="list-style-type: none"><li>•</li></ul>
<b>New Straits Time</b>	<ul style="list-style-type: none"><li>• Fisherfolk win appeal, massive reclamation project on hold</li></ul>
<b>Nanyang Siang Pau</b>	<ul style="list-style-type: none"><li>•</li></ul>
<b>Malaysia Gazette</b>	<ul style="list-style-type: none"><li>•</li></ul>
<b>Harakah</b>	<ul style="list-style-type: none"><li>•</li></ul>
<b>Malaysiakini</b>	<ul style="list-style-type: none"><li>•</li></ul>
<b>Bernamea</b>	<ul style="list-style-type: none"><li>•</li></ul>
<b>Borneo Post (Kuching)</b>	<ul style="list-style-type: none"><li>•</li></ul>
<b>Guan Ming Daily</b>	<ul style="list-style-type: none"><li>•</li></ul>
<b>Sabah Media</b>	<ul style="list-style-type: none"><li>•</li></ul>

JENIS AKHBAR							MUKA SURAT	TARIKH
UTUSAN MALAYSIA	/	KOSMO!		THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI Sabah Media		
KATEGORI LIPUTAN: POSITIF			NEGATIF		NEUTRAL		29	9/9/2021

4M M15 24 9/9/2021

## Ikan lumba-lumba tarikan di Perlis

**Oleh MOHD. HAFIZ ABD. MUTALIB**  
hafiz.mutalib@mediamula.com.my

**KANGAR:** Perairan Pulau Batu Layang, Kuala Perlis di sini sesuai dijadikan lokasi pelancongan baharu untuk pengunjung melihat ikan lumba-lumba secara lebih dekat.

Perairan tersebut yang terletak kira-kira dua batu nautika dari pantai itu difahamkan menjadi antara lokasi tumpuan ikan lumba-lumba, khususnya jenis *Indo Pacific Humpback*.

Bercakap kepada Utusan Malaysia, Pengasas Perlis Nature and Wildlife (PNW), Syamil Abd. Rahman berkata, antara lokasi pelancongan terkenal orang ramai menyaksikan ikan lumba-lumba sebelum ini ialah di Santubong, Sarawak dan Kuala Sepetang, Perak.

Katanya, Kuala Perlis juga dilihat antara kawasan sesuai dijadikan produk pelancongan baharu untuk melihat ikan lumba-lumba.

Jelas beliau, cadangan tersebut sekiranya dapat direalisasikan bukan sahaja dapat menghargai spesies tersebut, sebaliknya menyumbang pendapatan untuk kerajaan negeri dan penduduk setempat khususnya nelayan.

"Bagaimanapun, untuk mewujudkan lokasi pelancongan ikan lumba-lumba itu memerlukan bimbingan kerajaan negeri berserta syarat-syarat sesuai yang mampu memberi keuntungan kepada semua pihak di samping mengutamakan kelestarian habitat serta spesies itu sendiri.

"Kuala Perlis adalah lokasi yang sangat unik dan menjadi tumpuan spesies-spesies seperti ikan lumba-lumba. Kita tidak perlu pergi jauh atau berada di pulau-pulau cantik untuk menyaksikan ikan lumba-lumba kerana Kuala Perlis sendiri menjadi antara lokasi tumpuan ikan berkenaan," katanya.

Somalam Utusan Malaysia melaporkan, selain terkenal dengan julukan 'syurga makanan laut', Kuala Perlis juga istimewa apabila perairan di sini menjadi antara 'lubek' atau tarikan ikan lumba-lumba khususnya jenis *Indo Pacific Humpback*.

Difahamkan sekitar 200 hingga 300 ekor ikan lumba-lumba berada di perairan Kuala Perlis ketika musim kemarau antara Disember hingga April kelibat ikan berkenaan kerap boleh dilihat di pesisir pantai di sini.

Antara faktor utama perairan Kuala Perlis sepanjang 10.5 batu nautika dari garis pantai tersebut menjadi tumpuan ikan lumba-lumba kerana kawasan berkenaan kaya dengan sumber makanan.



**KELIBAT** ikan lumba-lumba bermain di perairan Kuala Perlis yang dirakam baru-baru ini.

JENIS AKHBAR							MUKA SURAT	TARIKH
UTUSAN MALAYSIA	/	KOSMO !		THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI Sabah Media		
KATEGORI LIPUTAN : POSITIF			NEGATIF		NEUTRAL		12	9/9/2021

# 3 pulau lokasi biak udang geragau

UM, NIS 12 9/9/2021

Oleh HADI AB. MANAP dan MOHD. FADHLI MOHD. SULAIMAN  
had.manap@medanuk.com.my

**MELAKA:** Pendaratan tertinggi udang geragau yang direkodkan di Melaka adalah sebanyak 78 tan metrik bersamaan 78,000 kilogram (kg) pada 2006.

Bagaimanapun, pada 2013 dan 2014, dilaporkan tiada pendaratan spesies berkenaan yang menjadi bahan komoditi utama industri pembuatan cencaluk dan belacan di negeri ini.

Universiti Putra Malaysia (UPM) pada 2009 memaklumkan, spesies berkenaan membiak sepanjang tahun dan mencapai kemuncaknya pada Februari, April, Jun Ogos serta Oktober.

Pejabat Perikanan Melaka mengesahkan bahawa suatu masa dahulu sebelum berlakunya aktiviti penambakan pantai di kawasan-kawasan terlobat, nelayan mampu memperoleh sekitar 200 hingga 300kg tangkapan udang geragau setiap kali turun ke laut.

Bercakap kepada Utusan Malaysia, pengarahnya, Mohd. Fauzi Salehon berkata, kini nelayan di sekitar Pantai Puteri, Tanjung Bidara dan Pengkalan Balak hanya mampu meraih sekitar 20 hingga 30kg umbak sekali tangkapan, iaitu penurunan ketara hampir 10 kali ganda.

Katanya, kekurangan hasil laut adalah implikasi yang sudahpun diramal sebelum sesuatu projek



SEORANG penduduk, Amir Hamza hampa melihat jaring alat menyungkur udang geragau tidak menghasilkan tangkapan bagi sumber rezekinya di persisiran Pantai Puteri, Melaka. - UTUSAN/RASUL AZLI SAMAD

mega seperti Pelabuhan Antarabangsa Kuala Linggi (KLIP) dan Melaka Gateway bermula.

Bagaimanapun, jelasnya, telah wujud perbincangan antara kerajaan negeri dengan Jabatan Perikanan untuk menjadikan tiga pulau di Melaka sebagai lokasi baharu sumber protein negeri

ini, termasuk pembiakan udang geragau.

Ujarnya, pulau-pulau tersebut adalah Pulau Nangka, Pulau Dadol dan Pulau Undan yang kini dalam proses untuk diwartakan sebagai taman laut.

"Sekarang dalam proses mewartakan, bukan Melaka sahaja.

Sumber laut di semua perairan terutama ikan koersial memang terjejas," katanya.

Mohd. Fauzi memberitahu, kesukaran nelayan mendapatkan stok udang geragau bukanlah perkara baharu sebaliknya ia sudah bermula sejak 2016.

"Sebelum projek tambakan



MOHD. FAUZI SALEHON

laut bermula, ada perbincangan antara kerajaan negeri dengan nelayan seperti penyediaan pampasan," jelasnya.

Sementara itu, penyelidik lapangan Sahabat Alam Malaysia (SAM), Meer Razak Meer Abdul Rahman berkata, Persekutuan atau negeri perlu mewartakan kawasan pesisir pantai yang kaya dengan hidupan akuatik sebagai kawasan perlindungan.

Menurut beliau, kerajaan boleh memperuntukkan akta atau enakmen negeri supaya tidak mengganggu ekosistem di kawasan terlobat.

Pertubuhan Pelindung Khazanah Alam Malaysia (PeKa), Puan Sri Shariffa Sabri Syed Akil berkata, penduduk seharusnya buat laporan dan menghantar bantahan apabila pendapatan mereka terjejas akibat kegiatan tambakan laut.

JENIS AKHBAR							MUKA SURAT	TARIKH
UTUSAN MALAYSIA		KOSMO !		THE STAR		NANYANG SIANG PAU		
BERITA HARIAN	/	SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI Sabah Media		
KATEGORI LIPUTAN : POSITIF			NEGATIF		NEUTRAL		ONLINE	9/9/2021

## 6 nelayan ditahan ceroboh Taman Laut

Oleh [Mary Victoria Dass](#) - September 9, 2021 @ 10:57am  
[bhnews@bh.com.my](mailto:bhnews@bh.com.my)



Satu daripada dua bot yang ditahan Jabatan Perikanan Johor kerana menceroboh Taman Laut. - Foto ihsan Jabatan Perikanan Johor.

JOHOR BAHRU: Enam nelayan tempatan bersama dua bot zon B ditahan di perairan pantai Timur Johor di sini, kerana melakukan pelbagai kesalahan mengikut Akta Perikanan 1985 termasuk menangkap ikan di kawasan Taman Laut.

Mereka yang ditahan berusia antara 30-an hingga 50-an dengan anggaran sitaan keseluruhan bernilai RM700,000.

Pengarah Perikanan Johor, Zainudin Abdul Wahab, berkata kegiatan itu dikesan menerusi Ops Penguatkuasaan Pemantauan, Kawalan dan Pengawasan (MCS) di Kota Tinggi-Mersing) mulai 5 September hingga semalam.

Beliau berkata, hasil risikan dan pemantauan, penguat kuasa jabatan menerusi unit perlindungan sumber berjaya menahan bot berkenaan di 5.9 batu nautika dari Tanjung Penawar Kota Tinggi dan 1.64 batu nautika dari Pulau Aur Mersing di sini.

Katanya, operasi dianggotai tujuh penguat kuasa menemukan vesel pukat tunda zon B dan vesel pukat jerut ikan zon B sedang melakukan aktiviti menangkap ikan yang menyalahi Akta Perikanan 1985.

"Ia termasuk melanggar syarat lesen dengan aktiviti penangkapan ikan di kawasan Taman Laut, menyalahi syarat perairan negeri dan bukan usaha sendiri yang bermaksud menyalah guna lesen individu lain.

"Siasatan mendapati nakhoda mengendalikan bot itu bukan pemilik lesen dan ketika ditahan, mereka didapati baru memulakan kegiatan penangkapan ikan di kedua-dua lokasi berkenaan.

"Mereka diserahkan kepada pegawai penyiasat Jabatan Perikanan, Pangkalan Perlindungan Sumber Tanjung Sedili untuk siasatan lanjut," katanya dalam kenyataan, hari ini.

Zainudin berkata, pihaknya mengingatkan nelayan sentiasa mematuhi syarat lesen termasuk tidak menjalankan kegiatan menangkap ikan di kawasan Taman Laut termasuk di Mersing.

Beliau berkata, Taman Laut Johor diwartakan mengikut Perintah Penubuhan Taman Laut Malaysia mulai 1994.

"Kami tidak berkompromi dengan kegiatan menceroboh kawasan Taman Laut mahupun kesalahan lain.

"Sebarang aduan pencerobohan pulau Taman Laut Mersing boleh disalurkan kepada Pejabat Taman Laut Mersing di talian 07-7991161 bagi tindakan lanjut," katanya.

JENIS AKHBAR							MUKA SURAT	TARIKH
UTUSAN MALAYSIA		KOSMO !	/	THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI Sabah Media		
KATEGORI LIPUTAN : POSITIF			NEGATIF		NEUTRAL		16	9/9/2021

KOSMO 16 9/9/2021

## Pelaksanaan PKPD di Kuala Kedah sekat aktiviti penangkapan ikan, jejas pendapatan Nelayan merungut tak boleh ke laut

Oleh NUR ANATI JUHARI

**ALOR SETAR** – Kira-kira 1,000 nelayan kecewa apabila mendakwa tidak dapat turun ke laut sejak pelaksanaan Perintah Kawalan Pergerakan Diperketatkan (PKPD) di Kuala Kedah pada Isnin lalu.

Pengerusi Persatuan Nelayan Kebangsaan (Nekmat), Hamid Bahari berkata, dia menerima banyak aduan dan rungutan daripada nelayan kerana keadaan itu menyebabkan golongan tersebut akan kehilangan punca pendapatan sepanjang tempoh PKPD.

"Nelayan pantas dan laut yang mampu memperoleh hasil tangkapan 100 hingga 200 tan sehari terpaksa menanggung kerugian besar kerana tidak dapat turun ke laut.

"Hasil tangkapan sebelum



**DERETAN bot-bot yang tersadal di Kuala Kedah selepas nelayan tidak dapat ke laut. - SHAHR NOORDIN**

PKPD juga terpaksa disimpan dan akan rosak berikutan lori mengambil ikan tidak dibenarkan masuk ke kawasan ini," katanya ketika dihubungi di sini semalam.

Katanya, penghantaran ikan ke pasaran di beberapa buah negeri seperti Johor dan Perak mungkin terjejas kerana Kuala Kedah menjadi antara sumber terbesar ikan negara.

"Prosedur operasi standard (SOP) perlu dilonggarkan kepada nelayan supaya mereka dapat meneruskan kerja menangkap hasil laut seperti biasa seterusnya tidak menjejaskan belakalan sepanjang PKPD itu," ujarnya.

Sementara itu, Ketua Polis Daerah Kota Setar, Asisten Komisioner Ahmad Shukri Mat Akhir berkata, dakwaan nelayan tidak langsung dibenarkan turun ke laut adalah tidak benar.

"Nelayan yang ingin turun ke laut perlu mempunyai dokumen sah seperti mendapatkan kebenaran pihak polis, lengkap vaksinasi serta menjalani ujian saringan kesihatan.

"Kami juga memahami rata-rata penduduk di sini bekerja sebagai nelayan, pergi ke balai polis berdekatan untuk dapatkan kebenaran," jelasnya.

JENIS AKHBAR							MUKA SURAT	TARIKH
UTUSAN MALAYSIA		KOSMO !	/	THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES		THE MALAY MAIL		PELBAGAI Sabah Media		
KATEGORI LIPUTAN :		POSITIF		NEGATIF		NEUTRAL	14	9/9/2021

KOSMO MIS 14 9/9/2021

## Atasi masalah lambakan ikan daripada 4,096 sangkar Jual patin secara online

**Oleh ABDUL RASHID ABDUL RAHMAN**

**TEMERLOH** – Jabatan Perikanan dengan kerjasama Kemajuan Pertanian Malaysia (MARDI) dan Lembaga Pemasaran Pertanian Persekutuan (FAMA) sedang berusaha meningkatkan kaedah menjual ikan patin secara online bagi mengatasi masalah lambakan hidupan sungai tersebut.

Pengarah Perikanan Pahang, Abdullah Jaafar berkata, mereka juga sedang melihat ke arah usaha proaktif untuk memperbanyakkan lagi industri hiliran ikan patin supaya isu itu tidak berulang.

Katanya, Jabatan Perikanan telah berhubung dengan MARDI sejak April lalu untuk mengadakan kursus kemahiran pemrosesan ikan patin sebagai persediaan menghadapi isu tersebut.

"Bagaimanapun, ketika ini kursus kemahiran bersemuka tidak boleh dibuat dan mungkin ia akan dilakukan selepas Majlis Keselamatan Negara memberi kebenaran kelak.

"Antara produk hiliran berasaskan ikan patin termasuklah produk sejuk beku pais patin, tauhu ikan patin, tempura, kepingan isi ikan (filet) dan kebab ikan," katanya selepas meninjau kilang pemrosesan produk hiliran ikan patin Lazizpatin di sini semalam.

Selasa lalu Kosmo! melaporkan ramai penternak ikan patin sangkar di Temerloh pinggir kepala memikirkani cara untuk mencari pelanggan ekoran kurang permintaan daripada pengusaha restoran sedangkan bekalan ikan itu semakin bertambah.

Menurut Abdullah berdasarkan data 2020 terdapat sebanyak 1,673 penternak ikan sangkar di seluruh negeri dengan 34 peratus daripadanya iaitu 563 orang penternak adalah di Temerloh.

Beliau memberitahu, jumlah keluasan ikan sangkar di Temerloh sahaja adalah seluas kira-kira enam hektar dengan bilangan 4,096 unit sangkar ikan.

Dalam pada itu beliau berkata, MARDI sememangnya mempunyai teknologi penghasilan produk sejuk beku yang boleh dimanfaatkan oleh penternak ikan patin dalam memastikan pasaran ikan sungai berkenaan dapat dilakukan berterusan.

"Kita juga akan berusaha untuk padankan kaedah pemasaran online dengan menjualnya di online dan NekmatBiz yang boleh membantu dari segi pemasaran," katanya.

Sementara itu, beliau berkata, tidak timbul masalah rentas negeri atau daerah kepada pengusaha dan penternak ikan patin kerana ia merupakan industri rantalan makanan dalam kategori perkhidmatan perlu.



**ABDULLAH (kiri) mendengar penerangan daripada pengusaha Lazizpatin, Saharudin Ahmad (kanan) di kilang pemrosesan produk hiliran ikan patin di Temerloh semalam.**



**KERATAN Kosmo! kelmarin.**

JENIS AKHBAR							MUKA SURAT	TARIKH
UTUSAN MALAYSIA		KOSMO !		THE STAR		NANYANG SIANG PAU		
BERITA HARIAN		SINAR HARIAN		THE SUN		ORIENTAL DAILY		
HARIAN METRO		NEW STRAITS TIMES	/	THE MALAY MAIL		PELBAGAI Sabah Media		
KATEGORI LIPUTAN : POSITIF			NEGATIF		NEUTRAL		12	9/9/2021

